

Emozions a Venzon

Un dì di Marc a soi lâât a Venzon cu le scuele: a vin viodût il centri storic dal paîs e lis mumis, tignudis a ments ta le capele di Sant Michêl. In curiere a vin cjantât, fat fotos e tabajât di ce ca nus vares spetât. Venzon al è un dai pôcs borgs dal Friûl ancjemò fuartificâts: il so masim splendôr al è stât tôr il mêl e tresinte, quant che i pelegriins ca pasavin par là tai santuaris, a vevin di pajà une mude e a scugnivin fermâsi une dì e une gnot.

Quant ca sin rivâts tôr il mêl e nufcent a son capitadis lis vueris mondials e podopo il taramot, cal à butât jù grant part da lis cjasis e ancje une da lis dôs tôrs dal domo di Sant Andree.

Quant ca soi lâât a viodi lis mumis sot da le capele a mi an une vòre fat sens, une di chês a veve le bocje viarte cun ducju i dincj.

Tal dopomisdì a sin lââts a viodi une mostre di ilustrazions di libris par fruts e i quadris a erin propite maraveôs.

Chiste citât cussì plene di storie, art e culture andà implenât il me bagai di savè e a restarà une esperienze di no dismenteà.

Emanuele Collovini

Classe 5^a

Scuola primaria valussi Talmassons